



Huldricus Theobaldus ex nobili familia Scha-
 uenburgiorum in Alsatia natus est, anno cir-
 citer 1532. hic à pueris bonis literis incubuit, atq; pri-
 ma rudimenta facile percepit. Inde uerò ut maiore
 rerum notitiam acquireret, à parētibus in Galliam
 atq; Hispaniam missus fuit. In ijs locis per aliquot
 annos sub præceptoribus uixit, atq; linguarum &
 artium præclarum sibi usum comparauit. Postea in
 patriam redijt, atq; in superiori Alsatia lungholtzj
 habitare cœpit. Erat is magna prudentia & uite in-
 tegritate conspicuus, præterea armis tractandis pe-
 ritus. Itaq; in ijs partibus breui magnam authorita-
 tem nactus, suis uirtutibus patriæ atq; nobilitati or-
 namento existit. Id quod multi præclari uiri passim de ipso prædicant. Hac
 ratione Huldricus Theobaldus etiamnum pergit, atq; non tantùm suis sub-
 ditis, uerùm etiam cunctis uicinis omnis generis honesta officia exhibet, ut
 non dubium sit, huius uiri laudes quandoque etiam ad exterarum nationes per-
 uenturas. lo. H.